

خانواده عضوری، بیر عالیله‌نین عضولریندن چوخ ائو آدیندا دؤرد دیوار ایچینده یاشایان مختلف و بیگانه آدم‌لار بنزه‌بیرلر. هر کسین باشی اؤزونه مشغولدور.



خانواده عضوری، بیر عالیله‌نین عضولریندن چوخ ائو آدیندا دؤرد دیوار ایچینده یاشایان مختلف و بیگانه آدم‌لار بنزه‌بیرلر. هر کسین باشی اؤزونه مشغولدور. بیر اؤز اؤزونه گولماقدادیر او بیر تئز تئز تاپ ائلیر. بو جور عالیله‌لرده دانشماق یاددان چیخمیش مفهوما چئوریلیب. ائله بیل دانشماق وخت تلف ائله‌ماق معناسیندادیر و بیرینی دانشمیدیراندا اونا مزاحم اولماق کیمی اولور.

بو جور خانواده‌لرین سای اؤز دئییل. مختلف اجتماعی شبکه‌لرین مخصوصاً موبایلا دایانان اجتماعی شبکه‌لرین زندگانلیقلارا داخل اولماسی بو تئپده‌کی عالیله‌لرین باشینی اؤزونه قاتیب. بعضی والدینلر اوشاقلارینی ائوین بیر بوغاینا سیخیلیب سس‌س اجتماعی شبکه‌لرین مشغول اولدوغونو گؤرنده اوشاقلارین باش آشاغا اوشاق اولدوغونو گمان ائدیب بو امکانی اونلارا یارادا بیلدیکلری اوچون اؤزلرینده غرور حس ائلیرلر. اونلارا گؤره اوشاقلار کچه بازاردا ناباب دوستلارینان گزماق یئرینه اجتماعی شبکه‌لرده دولانسالار داها یاخشی اولار.

خانواده عضوری‌نین آراسیندا بو رابطه‌سیزلیق کرپیچلری خیردا خیردا هؤرولوب اوجا اوجا دیوارلار یارادیرلار کی اونلاری بیر داها بیخماق اولمایاجاق.

خانواده‌لرده اؤز محورلیغین آرتماسی

اجتماعی شبکه‌لر خانواده اعضاسی‌نین رابطه‌سی‌نین آزالماسینا سبب اولور و خانواده‌لرین چوخوندا مجازی شبکه‌لر عضولر آراسینداکی دانشیغین یئرینی توتوب. خانواده‌نین اساس نقشلریندن بیر فردلری مستقل و عین حالدا خانواده‌نین اعضاسی‌نین ایستکلرینه دقتلی، بارا گتیرماقدیر. اما مجازی شبکه‌لر خانواده‌لرین بو نقشینی آزالدیر و انسانلاری جمعدن آیریر و اؤز محور ائلیر. بو انسانلار فقط اؤز ایستکلرینه دقت ائلیرلر و آیریلارین نهیه احتیاجلاری‌نین اولدوغو اونلارا اهمیتی یوخدور.

خانواده عضوری‌نین بیرلرینه آیرماغا وخت اولمایاندا بیر بیرلرینه ده تانیمایا امکانلاری و علاقه‌لری اولمور و بئله‌لیغینان بیر دام آلتیندا یاشایان غریبه‌لر اولورلار.